



UNIVERSITÄTS-
BIBLIOTHEK
PADERBORN

Illvstrivm Scriptorvm Religionis Societatis Iesv Catalogvs

Ribadeneyra, Pedro de

Antverpiæ, M. DC. VIII.

Centvria Religiosorvm Societatis Iesv, Qvi Hactenvs Ab Ethnicis,
Mahvmetanis, Hæreticis, Aliisq. Impiis, Pro Catholica Fide Ac Pietate
Interempti Svnt.

[urn:nbn:de:hbz:466:1-68452](https://nbn-resolving.org/urn:nbn:de:hbz:466:1-68452)

CENTVRIA
RELIGIOSORVM
SOCIETATIS IESV,

QVI HACTENVS
AB ETHNICIS, MAHVMETANIS,
HÆRETICIS, ALIISQ. IMPIIS,
PRO CATHOLICA FIDE
AC PIETATE
INTEREMPTI SVNT.

UNIVERSITÄT
PADERBORN
BIBLIOTHEK

CENTVRIA
RELIGIOSORVM
SOCIETATIS IESV,

*Qui hætenus ab Ethnicis, Mahumetanis,
hæreticis, aliisque impiis, pro Catholica
fide ac pietate interempti sunt.*

I.



PATER ANTONIVS CRIMINA- *Anno*
LIS Parmensis in Menancor Pro- *Domini*
uincia Indiæ Orientalis, cum pro *1549.*
Christianis neophytis, quos è pe- *funda-*
riculo eripere studebat, morti se *ta So-*
offerret, à Badagis Ethnicis tribus *cietatis*

10.
hastis confossus, & capite truncatus est. Eam mortē
exceptit in genua procumbens, quod ille quadragies
fermè quotidie cum iaculatoriis precibus factita-
bat. *Ribad. lib. III. vit. B. IGNAT. Maff. hist. Ind.*
lib. XIV. Tursel. vit. B. Xau. lib. IV. c. IV.

II. ALPHONSVS MENDEZ, eodem loco à bar-
baris pro fide CHRISTI capite truncatus est. *Ribad.*
lib. II. vitæ B. IGNATII, cap. XIX. Thomas Bosius
De signis Ecclesie lib. VII. signo XXVII.

III. NVNNIVS REBERVS, eodem anno XV. Au-
gusti. *Rutilius Benzonius Episcopus Lauretanus*
lib. 1. de Inbileo cap. IX.

IV. PETRVS CORREA, Lusitanus, vir nobilis,
M 5 quinto

1554. quinto anno inita Societatis, cùm Brasiliensium
Soc. 15. conuerfioni, quibus Christiani nominis amplifi-
 candi studio magna antè damna terrâ marique in-
 tulerat, daret operam; proditus ab interprete, cui
 concubinam detraxerat, à Carigis barbaris sagittis
 confectus est, cùm flexo genu oraret, baculumque,
 quem fortè manu gestabat, abiecisset. *Ribad. lib. IV.*
vita IGNATII cap. XII. Maff. lib. 16. Hist. Ind.
1554. V. IOANNES SOSA, Cocus, Correa Comes, ab
 ollâ & culinâ ad martyrij coronam vocatus, ante
 eum ab iisdem hostibus confixus, flexis item geni-
 bus precibus insistens, occubuit. *fidem ibid.*
1554. VI. VII. DVO SACERDOTES, quorum nomi-
 na ignota sunt. *Rutilius Benzonius lib. I. Iubil. c. 9.*
 VIII. P. PAVLVS DE VALLE, quem *multa*
virtutis hominẽ appellare solebat B. Franciscus Xa-
 uerius, multis in Comorino exantlatis laboribus ca-
 ptus ab Ethnicis, mensem ipsum in carcere iacuit
 cippo coërcitus, cùm interea præter modicum ori-
 zæ aridæ & aquam gustaret nihil. Inter has arum-
 nas, plenus laboribus & præclare factis, vitam im-
 mortalem cum hac misera commutauit. *Antonius*
Quadros in litteris datis VI. Decemb. anni M. D. LV.
habentur inter Italicas Venetiis excusas.
1555. IX. EMMANVEL FERNANDEZ, cùm primus è
Soc. 16. Societate in agro Lusitanię Transtagano Diuini ver-
18. Feb. bi semen spargit, publicâque peccatorum licentiæ
 euellendæ maximè intentus, pellices amicasque ab
 amatoribus impudicisque hominibus multas abi-
 git, id iniquo animo ferentibus, ab eorum vno, cu-
 ius nomen numquam promere voluit, in itinere
 vulneribus multis affectus, Eboræ defunctus est.
Francisc. Bencius in annuis Coll. Eborensis in Lusitania

tania anni M. D. LXXXIX. quo eius corpus ad Collegij templum ex ade maximâ translatum est.

X. XI. Duo è Societate Laici, quorum nomina interciderunt, in Brasilia, pro CHRISTO occisi sunt. *Rutilius Benzoni* lib. I. *Inbil.* cap. 1X.

* Alius item in Orientali India cùm Gentilibus doctrinam Christianam traderet, à barbaris trucidatus esse narratur ab Antonio Quadros in litteris *Venetis Italicè editis.*

XII. ANTONIVS FERNANDEZ. } 1556.

XIII. IOANNES DE BEIERA. } *Rutilius ibid.* Societ.

XIV. MELCHIOR GONZALEZ. } funda-

ta 17.

XV. P. ALPHONSVS A CASTRO, Lusitanus, 1558.

Soc. 19.

cùm multum laboris in conuertendis barbaris in India Orientali posuisset, atque vndecim ipsos annos sociis in Moluccis præfuisset, anno M. D. LIIIX. in Maurorum incidit manus. Ab iis detractis vestibus, ac fune constrictus, per quinque dies raptatus est: deinde viridi trunco, cui collum eius, ceu iugo inferuerant, oppressus: demùm multis confectus vulneribus, in mare deturbatus. Tertio post die mortui corpus in littore inuentum est, multo lumine circumfusum, vulneribus recentibus, puroque sanguine manantibus. Sicarij, eorumque propinqui, paucis diebus partim tormetorum globis, partim igne, quem S. Antonij vocant, perière. *Ribad. De vita Lainis lib. 11. cap. 1. Thom. Bosius lib. v. signo XI.*

XVI. CONSALVVS SILVERIA, Lusitanus, gene- 1561.

ris claritate imprimis conspicuus, Regem Mano- Societ.

motape baptismo, cum marre & trecentis proceri- 22. 15.

bus, lustravit, per motum ad spectu DEIPARÆ, quam Martij.

secundum quietem quinque noctibus viderat quidem,

dem, sed, quòd Christianus non esset, eius sermonem non intellexerat. Verùm ab eodẽ deinde Rege, mēdaciis Minguamis Mahumetani antistitis aliorumq; trium oneratus, mori iussus est. Cēdem suam edoctus diuinitus & prædixit amicis, & ad eam ardentissimis se precibus cōparauit. Demùm à Mocrume barbaro strangulatus, & in Mosengessem præterfluentem proiectus est, cùm eodem die quinquaginta fecisset Christianos, qui & ipsi iussu Regis necati sunt. *Maff. Epist. lib. 11. Iacobus Payua Andradius lib. 1. Orthod. expl. Surius anno M. D. XL.*

1564. XVII. P. PETRVS VENVSTVS, Bibone in Sicilia Rector, à Clerico, quem tum aliis beneficiis affecerat, tum frequenter aberrantem extra virtutis semitam monuerat, occisus est. Cùm enim ab Episcopi Vicario coniectus fuisset in carcerem, ratus, id Rectoris suasu factum esse, eum ex agro reuertentem domum, precumque pensum persoluentem, tribus in capite vulneribus confecit. Inuentus à prætereuntibus moribundus sanctum IESU nomen inuocans, nomen percussoris numquam edere voluit. Paucis antè diebus sociis dixerat, se optare, Ioannem Baptistam & Paulum mortis genere imitari. *Ribad. de vita Iacobi Lainis. lib. 111. c. 12.*

1566. XVIII. PETRVS MARTINES, ex agro Turolio, regni Aragonij, à P. Frãncisco Borgia, PHILIPPI Regis Catholici rogatu, in Occidentis Indiam missus, in Floridam Insulam nauigauit. Vbi, terram simul attigit, vt Dei verbum Euangeliumque prædicaret, pro eo, quod pridem optarat, interit, ictus caput perticã ab incolis. Mox semiuiuus in mare proiectus est. *A. Schottus lib. 111. vita Francisci Borgie, cap. VI.*

IN FLORIDA Insula à Ludouico Cacicha, id est, viro Principe eius insule, qui Baptismum in Hispaniâ simulatè susceperat, seque Patribus ducem obtulerat, per insidias circumuenti atque obruncati sunt de Societate;

XIX. P. IOANNES BAPTISTA SEGVRA Tole-^{1568.}
tanus, ceteris à P. Franc. Borgia præfectus, morum ^{Soc. 29.}
probitate ei mirè gratiosus. ^{3. Feb.}

XX. P. LVDOVICVS QVIROS.

XXI. GABRIEL GOMEZ.

XXII. PETRVS LINARES.

XXIII. SANCTIVS SAVALLIVS.

XXIV. IOANNES BAPTISTA MENDEZ.

XXV. CHRISTOPHORVS ROTVNDVS.

XXVI. GABRIEL DE SOLIZ. *Schottus cap. VI. lib. III. vita P. Borg.*

Ex horum interfecto-ribus tres, cùm eorum ar- culas scrutarentur, atque inuentam crucifixi ima- ginem curiosiùs intuerentur, exanimés ceciderunt, humo afflicti, & mortui. *Ibid.*

XXVII. P. FRANCISCVS LOPEZ, quem Lupium ^{1568.} vocauit Maffei- us, in Indiâ Orientali cùm è naui puluere tormentario fortè inflammata se dimississet in mare, à piratis Mauris captus, & è raso vertice Sacerdos agnitus, sollicitatus ad fidei defectionem, & Mahumetis cultum, quòd se potiùs quoduis sup- plicij genus subiturum respondi- set, confossis lan- ceâ illis, martyrium sanguine consummauit. *Maf- feius lib. IV. epist. Schottus lib. III. cap. VI. Vita P. Borgia.*

* Duos Francisci socios ab iisdem Mauris telis transuerberatos memorat Ribadineira. *Lib. II. Vita B. IGNATII, cap. 19.*

Triginta

1570. à fun-
data So-
ciet. 31.
15. Jul. Triginta nouem de Societate in Oceano apud
Palmam vnam è Fortunatis, cùm in Brasiliam fidei
nostræ propagandę causa proficiscerentur, à Iacobo
Soria Caluinisticę hæreseos piratâ interfecti ita cla-
mante: Interfice, interfice, quoniam ad praua dog-
mata disseminanda Brasiliam petunt.

XXVIII. P. IGNATIVS AZEBEDVS, Lusitanus,
Prouincialis Præpositus, vt genere ita & pietate il-
lustris, dum suos hortatur, additque animos, fisco
capite, tribus lanceis confossus, in mare præcipita-
tus est, cùm DEIPARÆ imaginem frustra eripere
nitentibus hæreticis manu teneret, mortales Ange-
losque testatus, se pro Romanæ Ecclesiæ defensio-
ne mori.

XXIX. BENEDICTVS CASTRIVS, CHRISTI cru-
cifixi imaginem complexus, tribus primùm glandi-
bus ictus, deinde ferro punctim cæsimque confos-
sus, demùm in mare deturbatus est.

XXX. EMANVEL ALVARVS, primùm in facie
vulneratus, deinde tabulato affixus, con fractis cru-
ribus, ossibus collisis, in fluctus præceps datus est.

XXXI. BLASIVS RIBERA, cui caput capulis gla-
diorum elisum, cerebrumque effusum est.

XXXII. PETRVS FONSECA, cui os pugione con-
fossus, & maxilla soluta est.

XXXIII. P. DIDACVS ANDRADA, qui aures
dabat confitentibus, cùm pugionibus confossus ia-
ceretur in pelagus, Fundamus, inquit, pro CHRISTO
sanguinem, qui pro nobis fudit suum.

XXXIV. GREGORIVS SCRIBANVS, &

XXXV. ALVARVS MENDEZ, ægri, cùm la-
tere possent, seminudi lecto exsiliantes, vltro obla-
tis iugulis occubuerunt.

XXXVI.

XXXVI. SIMON ACOSTA se Societatis IESV
ultrò professus, cùm pro tali non agnosceretur, iu-
gulatus in mare proiectus est.

Qui sequuntur, præter aliquos Sacerdotes, qui-
bus verticem hostes abrasere, plerique omnes ado-
lescentes bini aut terni ordine deinceps producti,
talaribus tunicis exuti, adacto bis terve singulis in
viscera pugione confossi, quidam etiam manibus
brachiisque truncati, in mare præcipites dati sunt.

XXXVII. FRANCISCVS ALVARVS COVILLIVS.

XXXVIII. DOMINICVS FERDINANDES.

XXXIX. ALPHONSVS VAENA Toletanus.

XL. GONZALVS HENRICVS Diaconus.

XLI. IOANNES FERDINANDVS Bracarenfis.

XLII. IOANNES FERDINANDVS Olyssiponésis.

XLIII. IOANNES MAYORGA Aragonius.

XLIV. ALEXIVS DELGADVS.

XLV. LVDOVICVS CORREA Eborensis.

XLVI. EMMANVEL RODERICVS Alcorchetius.

XLVII. SIMON LOPEZ.

XLVIII. EMMAMVEL FERDINANDES.

XLIX. PETRVS MYNOS.

L. FRANCISCVS MAGALVNIVS.

LI. NICOLAVS DINYVS Brigantinus.

LII. GASPAR ALVARVS.

LIII. ANTONIVS FERDINANDVS Montis
maioris.

LIV. EMMANVEL PACIECVS.

LV. PETRVS PONTAVREVS.

LVI. ANDREAS GONSALVVS Vianius.

LVII. AMATVS VASQVIVS.

LVIII. DIDACVS PEREZ Misceus.

LIX. IOANNES BAEZA.

LX. MAR-

LX. MARCVS CALDERA.

LXI. ANTONIVS CORREA Portuensis.

LXII. FERDINANDVS SANCHEZ Castellanus.

LXIII. FRANCISCVS PEREZ GODOI Torrichius.

LXIV. IOANNES ZAVREVS Toletanus.

LXV. IOANNES S. MARTINI Illescanus.

LXVI. STEPHANVS ZVRAIRE Cantaber, qui antequam iter ingrederetur, prædixit, à Deo se certiore factum, martyrium se manere. *Maffei in append. epistolarum, epist. 1. quæ est Petri Diazai ad Leonem Henricum. Schott. lib. 111. cap. x. Vita Borg.*

* ANTONIVS SVAREZ ab Andrea Schotto ibid. ponitur quadragesimus, & Franciscus Bencius hos Martyres quadraginta fuisse refert, *lib. v1. quinque Martyrum.*

* Neque prætereundus adolescens, qui cum his religiosus interfectus est, vulgò SANCTVS IOANNES appellatus, qui Societatis cãdidatus vehementer in eam adscribi optabat, ideoque à P. IGNATIÏ AZEBEDI latere non discedebat. *Schottus ibidem.*

1571. DVODECIM MARTYRES, qui in eodem itinere
Soc. 32. Brasiliensi à Ioanne Cadouillio Gallo Calviniano
13. Sep. pro CHRISTI religione, quam disseminatũ ibant
in Brasiliam, interempti sunt :

LXVII. P. FRANC SCVS CASTRIVS, quòd confitentem nauarchum audiret, certatim ab omnibus, vulneribus punctim cæsimq; petitus, occubuit.

LXVIII. P. PETRVS DIAZ Sacerdos, cùm idem munus obiret, iugulatus est.

LXIX. GASPÀR GOEZIVS, adolescens, qui Diazij lateri heribat, item iugulatus est.

LXX. MICHAEL ARAGONIVS accepto secundum

dum brachium vulnere in altum deturbatus est.

LXXI. FRANCISCVS PAVLVS cum superiore submersus est.

LXXII. IOANNES ALVARVS &

LXXIII. PETRVS FERDINANDVS faber lignarius, eodem
 rius, qui pridie cum colaphis caderetur, palpebris
 que distensis, paxilli mēto subiicerentur, Quo meo,
 aiebat, merito mihi tribuis, vt pro te patiar, Domi-
 ne? Hi duo post multas iniurias proiecti in altum
 precipites, ilico mersi sunt.

QVINQVE, qui sequuntur, pessimē totam no-
 stem habiti cum in pelagus iacti essent, vnum in
 locum congregati, vale sibi dicentes, ac veniam in-
 ter se delictorum petentes, recitato Symbolo tam
 diu, præeunte in verba Alphonsi, tum alia, tum il-
 lam orationem, *Tibi soli peccavi*, iterarunt, donec
 fluctibus haurirentur.

LXXIV. ALPHONSVS FERDINANDVS Philoso-
 phie in Brasilia Professor designatus.

LXXV. ANDREAS PAIS.

LXXVI. PETRVS DIAZ alter.

LXXVII. FERDINANDVS ALVARVS.

LXXVIII. DIDACVS GONDIALYVS. *Maff.*
append. Epist. II. qua est Leonis Henrici ad Socios, Ro-
man. Schott. lib. III. cap. XI. vite Borg.

LXXIX. P. MARTINVS GVTIERVS Hispanus, 1573.
 multis à DEO visionibus illustrari solitus, sed ea Soc. 34.
 maximè, cum ei per Galliam iter haberenti, & ante 28. Feb.
 B. VIRGINIS sacellū equitanti diuino lumine osten-
 sum est, eum intra octo dies moriturum: quod eue-
 nit, cum ille paulò post ab hæreticis captus esset,
 inter quorum manus in summis rerum omnium
 incommodis breui decessit Cardeliaci. *Hieronym.*

N

Platus

Platus lib. 1. De bono status Relig. cap. xxxiv.

LXXX. P. GEORGIVS FERNANDES &

1581. à

LXXXI. P. GOMESIVS DAMARALIVS apud
 funda- Malucum, cum in portu confessiones audirent, a
 ta So- Tais Christianorum hostibus interfecti sunt. Ioan.
 ciet. 42. Ant. Valtrinus in annuis India Orientalis.

1. De
 cemb.

LXXXVI. P. EDMVNDVS CAMPIANVS Lon-
 dinensis, vir eruditus, qui complures annos summa
 cum laude, tum Vientia, tum Praga, Latinos de re-
 bus diuinis sermones habuerat, missus est tandem
 in Angliam, vbi diu docendo scribendoque rem
 Catholicam iuuit. Verum à Georgio Elioto ex dis-
 niper perpetratae reo proditus, dici nō potest, quam
 frequentibus diuturnisque vexatus sit tormentis.
 Inter quae non modò nihil Catholico Sacerdote in-
 dignum in se admisit, sed ita tranquillo fuit ac lu-
 cundo animo, vt etiam iocari liberet. Cum luxatos
 conuulsoque artus commouere non posset, se stra-
 tum humi elephantum; eum primùm manibus pa-
 nem complecti poterat, se simiam vocabat. Nimi-
 rum ad eos cruciatus non aliter se, quam fufis hu-
 mi genibus, intentaque supplicatione, munitabat;
 neque dolorem aliud, quam ingeminatum IESV
 nomen, leniebat. Non minori felicitate aduersariis,
 & in his Wirakero, disputando, quam victoribus
 patiendo victis, perduellionis falso accusatus, inlu-
 ria damnatur: & quamuis crimen ita dimisset, vt
 vulgò illud negarent in CAMPIANVM cadere posse,
 tamen audita sententiâ, dictis DEO gratias, Te Deum
 laudamus, canere institit. Percompita trahâ raptu-
 rus cum esset, in ipso supplicij loco, de illo S. Pauli,
 Spectaculum facti sumus Deo, &c. dicere ingressum
 hostes silere iusserunt. Ibi votis pro Regina salute
 factis,

factis, se non pro intentatis sibi criminibus, sed pro
Catholicæ fidei veritate mori testatus, laqueo Mar-
tyrij palmam adeptus est. Mortui caput à corpore
ablatum, corpus distractum, nomen immortalitati
consecratum est. *Concertatio Eccl'es. Cathol. in An-
glia, de Campiani Martyrio.*

LXXXIII. P. THOMAS COTHAMVS Anglus, 1582.
valetudinis causâ profectus in patriam, Dorober- *Societ.*
niæ mense Iunio anni M. D. LXXX. comprehensus *43. 30.*
est ab hæreticis, & quòd intimas animi sui noxas *Maÿ.*
illis aperire nollet, variè tortus. Eâ tamen erat in
hostes suos caritate, vt lictorem aliquando arctè
complexus optimis ad æternam salutem præceptis
imbueret. Demùm cum Reginam caput Ecclesiæ
Anglicanę negaret esse; omnibus se condonare pro-
fessus, vicissimque obrotatus, vt sibi, si quem offen-
disset, ignosceretur, libens collum laqueo obtulit.
Ibi cum detractis vestibus animaduersum esset, il-
lum appressum ad corpus cilicium ferre; nimirum
admirationi fuit tantus pro CHRISTO patiendi
ardor, qui ad perpetuas trium annorum carceris
molestias, quotidianosque propè cruciatus, volun-
tarias etiam corpusculi iniurias adiunxisset. *Ibid.*
& Ribad. in vita Lainis.

LXXXIV. P. IACOBVS BOSGRAVIVS cum duo-
bus proximis passus. *Ibid.*

* Meritò his accensendus esset ALEXANDER
BRIANTVS Sacerdos, qui ante suum martyrium da-
tis ad Patres Societatis litteris, votis editis, se sua-
que eis obtulit. *Concertatio Anglica, in eius mar-
tyrio.*

QUINQUE MARTYRES, qui in Salfetana regio- *1583.*
ne Indiæ, pago Coculino, ab incolis Ethnicis in- *Soc. 44.*
census *15. Iul.*

centis irâ, quòd templa Deorum suorum diruta & idola ludibrio habita esse à Christianis viderent, dum de areâ ædificandi CHRISTO templi deliberrant, hortatu cuiusdam arioli occisi sunt.

LXXXV. P. RVDOLPHVS AQVAVIVA Ioannis Hieronymi Ducis Hadrianorum filius, duorum Cardinalium Iulij & Octauij germanus, R. P. Generalis Soc. IESV, CLAVDII ex fratre nepos, annos natus tres & triginta, quorum dimidiam partem in Societate exegerat. Tres annos apud Regem Mogorum in magna vitæ asperitate vixerat, tantoque precandi studio, vt sæpè, cum se primis tenebris coniecisset in preces, manè in eodem vestigio reperiretur. quo tempore tot ei affluebant solatia celestesque deliciae, vt tum demùm se diceret ex animi viuere sententia. Tanta erat apud omnes sanctitatis opinione, vt vulgò Angelus vocaretur. Denique verò in Salsetanum agrum Rector designatus cum venisset, vnà cum suis comitibus deprehensus à Barbaris, mori maluit, quàm equum, qui expeditus ei à suo interprete offerebatur ad fugam, admittere. Ibi succisis ab hoste poplitibus, primum procubuit in genua, deinde diductâ suis manibus veste, duas plagas ceruicibus accepit; ad quas accessit quarta, quæ humerum à reliquo corpore panè discerpfit, & ad extremum iaculi vulnus in pectore.

LXXXVI. FRANCISCVS ARANEA Gasparis Goënsis Archiepiscopi nepos, laicus, annos duodeviginti natus, decennium in Societate vixerat. Is post Rudolphum accepto in ceruicibus vulnere, lateraque hastili transfixus, in vepres se abdiderat, confectis verò iam ceteris, à muliere pastoritiâ indicatus, vb vniuersâ multitudine circum idolum

rapta

raptatus est. Sed cum illi supplicare recusaret, innumerabili telorum copia confixus est, tanto furore omnium, ut pueri etiam ac puellæ arundines & veruta eius sanguine madefacta, unâ cum reliquo occisorum cruore, suis idolis consecrarent, ipsaque illo inungerent.

LXXXVII. P. PÉTRVS BERNÀ Italus è Gallia Cisalpina trigessimum agebat annum, è quibus sex in Societate confecerat. Is auctor fuerat ut aliquot fana in Salseta diruerentur, & vaccam quamdam, quæ pro Numine colebatur à Barbaris, interfecerat, & vas, in quo se ad idoli honorem abluebant, eius intestinis conspurerat. Quare ab iis vulneratus in occipitio, trajecto etiam oculo, & aure grauitè sauciata, occisus est; atque insuper in mortui membra sæuitum.

LXXXVIII. P. ALPHONSVS PACIECVS Hispanus, Rudolpho ætate & genere propè æqualis fuit: cui cum Barbari lanceam adegissent in pectus, extensis in crucis figuram manibus, oculisq; sublatis in cælum, alteri vulneri sese obtulit; quod cum iugulo accepisset, exanimis concidit.

LXXXIX. P. ANTONIVS FRANCISCVS Lusitanus annum agebat trigessimum, fueratque in Societate duodecim, quando cum reliquis tum in capite, tum in reliquo corpore vulneratus à Barbaris, Martyrum cruciatus expertus est: quod ut CHRISTI causâ liceret, ab ipso, cum sacrificaret, enixè quotidie contendebat. *Nicolaus Orlandinus in annuis India Orient. Ex litteris P. Alexandri Valignani Prouincialis Prapositi, & aliorum. Thomas Bozius libro VII. signo XXVII. Franciscus Bencius in v. Martyribus.*

1593.
Soc. 14.
8. Feb. XC. P. IACOBVS SALESIVS Aruernus, trigefi-
mum septimum agebat annum ætatis, in ita verò
Societatis vicesimum, vir non modò Latinis, Gre-
cis, Hebraicis, Chaldaicis, sed Philosophiâ etiam
& Theologiâ egregiè instructus. Eximiâ erat in sa-
cram Eucharistiam pietate, & martyrij cupiditate,
quâ incensus datis Romam litteris Indicam profe-
ctionem experierat. Sed ei, quam quærebat, palma
in ipsâ Galliâ obrigit, Albenaco, vbi per Aduentus
Dominici tempus verba summâ cum laude fecerat,
à Chiambando Calviniano per prodicionem occu-
pato. Igitur datus cum socio Guiljelmo Salthamo-
chio præda tribus ministris Calvinianis, cum illi
disputatione, quæ fortè ob iusculum è carne, quod
Sabbato oblatum Salesius reiecerat, nata erat, suc-
cumberent, ab vno eorum commota multitudo il-
los ad cædem postulauit. Ibi Salesius suis hostibus
veniam orans, primùm sclopo secundùm hume-
rum appetitur, ac deinde IESVM ingeminans, fer-
ro confoditur.

XCI. GVILIELMVS SALTHAMOCHIVS patriâ
item Aruernus, opificio sutor, annos octo & viginti
natus, è quibus duodecim Societati dederat, mo-
rientem complexus Salesium, obtestatusque, ne se
Martyrij expertem desereret, ab iisdem, pugioni-
bus confixus, brachiis ad pectus in crucis modum
conformatis, extinctus est. *Horatius Turfelinus in
annis Prouinc. Lugdun.*

28. Feb. XCII. HENRICVS WALPOLVS martyrio fun-
ctus est in Anglia.

1594.
Societ. XCIII. CONSALVVS DE TOPIA in Mexico.

55. 12
Iulij. XCIV. P. IOANNES CORNELIVS in Anglia.
Benzonius lib. 1. Iubil. cap. IX.

xcv. P. ROBERTVS SOTVELLVS in Anglia. ^{d 1595.}
Benzonius ibidem. ^{Societ.}

xcvi. P. ABRAHAMVS GEORGIVS Maroni- ^{56. 3.}
 ta, in aditu regni Abassinorum in Æthiopia captus ^{Mart.}
 à Turcis, cum Mahumetem detestatus se Christia-
 num esse profiteretur, eamque regionem esse in-
 gressum, ut, quotquot posset, ad Christum addu-
 ceret, iussu Præfecti in oppido Delec insule Mazue
 obtruncatus est. *Nicolans Pimenta in litteris Indi-*
cis anni M. D. XCIX.

* P. MARTINVS LATERNA Serenissimorum
 Poloniæ regum STEPHANI & SIGISMVNDI III.
 Cõcionator Latinus à Suecis pro religione Catho-
 lica in mare Balthicum sparsus est. *Ex litteris Po-*
lonicis.

xcvii. IACOBVS GHISAI Iaponius, Societatis ^{1597.}
 IESV Coadiutor. ^{à fun-}

xcviii. PAVLVS MIEHI Iaponius, ætatis ter- ^{data So-}
 tium & trigessimum, inita Societatis vndecimum ^{ciet. 58.}
 agens annum, Concionator inter suos singularis, ^{5. Feb.}
 etiam laicus.

xcix. IOANNES GOTO annorum nouemdecim
 adolescens, nuper in Societatem acceptus.

Hi tres cum tribus & viginti aliis iussu Tai-
 cõsamæ Iaponiorum tyranni, post diuturnum car-
 cerem, sinistramque aurem præcisam, acti sunt in
 crucem; ac postremum transuersis lanceis confixi.
 Inter eos sex erant Patres è S. FRANCISCI familia.
Ex litteris Iaponicis P. Ludouici Frois anni M. D. xcvi.

c. EMMANVEL NIGER qui Collegij Glaudio- ^{1603. à}
 politani sacrario & valetudinario præerat, cum eam ^{funda-}
 urbem Moyses Zangkl Calvinianus Turcicis ar- ^{ta Soc.}
 mis occupasset, atque hanc nacti occasionem, fu- ^{64.}

riofa Ariani à Magiftris impietatis fuæ incitari in
templum Societatis IESV impetum facerent, &
horrendas contumelias rebus factis inferrèt, vnuf-
que præter ceteros impius aurifex fanctiffimum
Euchariftiæ Sacramentum pedibus conculcaret,
verbis in eos inuectus, feuri primû in capite fau-
ciatus eft, deinde felopeto traiectus pro fide Catho-
lica occubuit. *Ex litteris P. Argentea Superioris
eius loci.*

S. CYPRIANVS MARTYR

EPIST. IX.

QVIBVS vos laudibus prædicem fortiffimi
fratres? robur pectoris veftri, & perfe-
ueratiam fidei quo præconio vocis exornem?
Toleratiffis vſque ad conſummationem glo-
riæ duriffimam quaſtionem, nec ceſſiſtis ſup-
pliciiſ, ſed vobis ſupplicia ceſſerunt. Finem
dolorum quem tormenta non dabant, coro-
næ dederunt.

AD REVERENDISS. PATREM

CLAVDIVM AQUAVIVAM

SOCIETATIS IESV

Præpoſitum Generalem V.

QVOD Pater à vina derivas nobile lymphæ,
Non ſine diuino numine nomen habes.
En tibi nam lætis arriDET honoribus hortus
Quem colis, vt vinam te bibat vber aquam:

Ne

Ne calor exurat fata lata, sed ubere semper
 Proventu Dominum, qui rigat illa, beent.
 Hinc quoties placido tua sibilat unda susurro,
 Induit in florem se noua planta suum.
 Et numquam moriens languescet in arbore ramus,
 Dum trahit à uinis nomina cultor aquis.

G. V. W. S. I.

CHRISTVS
 AD PP. SOCIETATIS IESV
 VT INDOS ADEANT.

MACTE animis, ò LOIOLÆ generosa propago,
 Digna meas Aquilas & mea Castra sequi.
 Utar pectoribus, fortissima Pectora, vestris,
 GASPARE siue tuis, siue XAVERE tuis.
 Vos Circa manent, & mille pericula lethi,
 Mille pericla solo, mille pericla salo.
 Sed DVRATE animum: Romani pectoris olim
 Nunc IESV Socij est, FORTIA multa pati.
 Ergo agite Eoi vada carula verrite Ponti,
 Romuleâ numquam sollicitata rate.
 Frangite & Hesperias remis audacibus undas,
 Tensaque marmoribus credite lina nonis.
 Ite ad odoratos, positosque sub ignibus Indos;
 Tithoni roseos ite videre lares:
 Vos vocat en toto cantata Zipangria mundo,
 Clausaque sanguineâ barbarâ China serâ:
 Ite boni, geminamque Iauam, viridesque Moluccas,
 Austriadum Cycladas ite videre nouas:

N S

Auri-

*Auriferumque Peru, celo licet incubet ardens
 Sirius, & Guinea, visite regna noua.
 Currite, currite, quaqua iter est, Boreã per & Austrũ,
 Et per flammionum Solis utramque domum.
 Et Morimos alios, & Thulas querite: nam sunt
 Mille super Thula, mille super Morini.
 Sed petitis de tot quænam mihi præmia terris,
 Quas ferri gazas, quæ mihi sceptræ velim?
 Parcite, nil horum: nec regia sceptræ, nec aurum,
 Nec ferre Arraby nobile vermis opus,
 Non niueos onychas, non rubro è litore gemmas,
 Nec cinnamati mollia fila croci.
 Lappaque tribuliq; & fungi hæc omnia: scitis
 Quæ vos ferre velim munera? FERTE ANIMAS.*

B. B. S. I.

IULIUS CÆSAR STELLA
 COLUMBEIDOS

LIB. II.

MITTET & ille viros, magnum quos nomen IESU,
 Audito quo terra tremat, tremat arduus æther,
 Et procul inferni turbant septem ostia regni,
 Insigni ornabit titulo: quibus aurea vita,
 Fumum & opes strepitumq; exosus IGNATIVS orbis,
 Et morum præcepta dabit, tuus inclyta civis
 Æternumque Navarra decus: hi morte superbi
 Pro superûm cultu, pro Religionis honore,
 Exponent crude scientia pectora morti.

IOAN.

IOANNES MORETVS

LECTORI

χαίρειν.

QUOD in sylua cædua, altisq̄ue
 densa stirpibus, lignatori acci-
 dere identidem Theocritus
 poëta cecinit, vt quò se vertat
 animi pendens ignoret, incer-
 tus quam potissimùm arborem proceram se-
 curi feriens ad terram affligat: idem mihi vsu-
 venire sentio, dum amicorum hortatu in tam
 vasta atque frugifera excellentium SOCIETA-
 TIS IESV Scriptorum sylua INDICEM natio-
 num variarum materiarumq̄ue concinnare
 ea potissimùm gratia studeo, vt qui posthac
 aut bibliothecas optimorum librorum in-
 struere volent, aut de superiore loco docen-
 tis personam sustinebunt, aut denique sena-
 mentis litterarum monumentis prodere ac
 scribere ipsi de re aliqua posteritatis commo-
 do cogitant, habeant ad manum Syllabum,
 ceu Ariadnæ in Labyrintho filum, quo iisdem
 ingressi vestigiis viam insistant: suppeditetq̄;
 argumentum, quod ornare ipsi per se atque
 amplificare honesta quadã æmulatione con-
 tendant,

rendant, ac vincere etiam (quid enim vetat!) gloriosè conentur.

— ἀγαθὴ δὲ εἰς ἡδὲ βροτοῖσι.
 palmam demùm laudemque vigiliarum referant: abstineant modò à pestilenti ac virulenta æui nostri calumniandi ac maledicendi innoxiiis petulantia, atq; audacia impudèti labores alienos lucubrationesque per nefas vellicandi. scilicet otiosi isti atque ignaui fuci, quantum de aliis cõuitiando detrahunt, tantum sibi arrogare audent. Quamobrem candidum Socij discendi que cupidum, non superbiæ hydrope tumentem Lectorem efflagitant: qui si φιλομαθὴς fuerit, futurus idem sit breui καὶ πολυμαθὴς.

Hoc itaque argumentum dum bono publico tractare via ac ratione tento, ne scopæ dissolutæ appareant, primùm *Nomenclatorem* dabo *Cognominum*, quibus notior quisque, cùm proprium non occurrit, plerumque esse solet. Hinc *Nationum variarum* census erit, apud quas floret hodie SOCIETAS, & in Dñi vinea, quam suffodere cuniculis callidæ vulpes moliantur, nauiter aduigilat: ac veluti canes pro domo DEI latrantes, arcant, quoad eius fieri potest, à grege lupos. Mox ordine reliqua digerentur:

III. *Qui in vetus ac nouum Testamentum scripsere.* IV.

- IV. *Scholastici Theologi.*
- V. *De Theologia Morali seu Conscientia casibus.*
- VI. *Homiliarum ac sacrarum Concionum scriptores.*
- VII. *Catechismi variis linguis. Exempla his accommodata.*
- VIII. *Controversiarum Doctores. Hæretici à Societate confutati.*
- IX. *Ascetici, seu spirituales, ut vocantur, libri.*
- X. *De Eucharistia, & Missæ sacrificio.*
- XI. *De vita & laudibus B. Mariæ Virg.*
- XII. *De Sanctorum vitis, ac claror. Virorū.*
- XIII. *Precationes variorum.*
- XIV. *In Concilia & Synodos.*
- XV. *Historia illustrata, Ecclesiastica atque externa.*
- XVI. *Rerum Indicarum & Annuarum scriptores.*
- XVII. *Mathematici.*
- XVIII. *E Græco sermone conuersa.*
- XIX. *Illustrati scriptores cum sacri, tum profani.*
- XX. *Philosophica.*
- XXI. *Oratoria, & Orationes.*
- XXII. *Grammatici & Philologi.*
- XXIII. *Peregrinarum linguarū interpretes*
- XXIV. *Societas à calumniis vindicata.*

Habes

Habes ordinis mei rationem, laborisq̄ue suscepti consilium : quæ si non displicuisse cognouero, erit profectò, cur hanc mihi Spartam à R. P. RIBADENEIRA creditam atque commissam augere indies satagam. Quare si omissa quorundam patria est, quia ignota hactenus; vel si quæ scripta foras data nos fugerunt; qui Auctori vel nobis per epistolam suggeret, nã ille benè de aliis, benè de se ipse merebitur : nec apud immemores positum sentiet officium. Accedent enim alteri editioni Curisq̄ue secundis, quas Euripides *σοφωτέρας* & fieri & esse debere ait. Crescet enim hic, quantum auguror, nostræ fidei creditus libellus, vt ingeniorum ac scribentium in Societate auctior seges existet. Quo in omine desino, mi Lector, & sic voueo, Vale, & fruire.

INDEX